

《大毘婆沙論》卷 32（大正 27，164c30-165a26）

問：由何善法，諸修行者於諸惡趣得非擇滅？

答：或由布施、或由持戒、或由聞慧、或由思慧、或由修慧，
諸修行者於諸惡趣得非擇滅。

由布施者，……有雖於一施一團食而於惡趣得非擇滅，

由彼深能厭生死故。……。

極鈍根者，得下品忍時於諸惡趣皆得非擇滅。

《大毘婆沙論》卷 7（大正 27，33a11-b2）

問：菩薩昔餘生中曾起順決擇分善根不？

設爾，何失？

若曾起者，何故說言：「菩薩所有殊勝善根

謂從不淨觀乃至無生智皆一坐得」？

若不起者，菩薩九十一劫不墮惡趣，是誰威力耶？

第一家答

有作是說：菩薩昔餘生中曾起順決擇分；

由忍力故，九十一劫，不墮惡趣。

第一家答

問：若爾，何故說言：「菩薩善根皆一坐得」？

答：昔所起者，是他種性，非自種性；
一坐得者，說自種性。故不相違。

第二家答

有說：不起。

所以者何？

菩薩善根不經歷世，菩提樹下一坐得故。

第二家答

問：若爾，菩薩九十一劫不墮惡趣，是誰力耶？

答：能障惡趣，不必要由順決擇分。

所以者何？

或施、或戒、或聞、或思、或煖、或頂，能障惡趣。

若鈍根者，得忍，方能。

第二家答

然諸菩薩行一施時亦攝戒、慧，
行一戒時亦攝施、慧，
行一慧時亦攝施、戒，
由此能障那庾多惡趣，
況三惡趣而不能障耶？

《大智度論》卷 18（大正 25，196b22-27）

諸波羅蜜有二種：

一者、一波羅蜜中相應隨行，具諸波羅蜜；

二者、隨時別行波羅蜜。……

相應隨行者，一波羅蜜中具五波羅蜜，是不離五波羅蜜，
得般若波羅蜜。

隨時得名者，或因一、因二得般若波羅蜜。

第三家答〔有部正義〕

如是說者：

菩薩所有殊勝善根謂從「不淨觀」乃至「無生智」

皆此生中依第四靜慮一坐引起；

尚非此生餘位，何況前生？

《俱舍論》卷 5 〈分別根品〉(大正 29, 25b1-6)

傳說：菩薩三十四念得菩提故。

諦現觀中有十六念；

離有頂貪有十八念，謂斷有頂九品煩惱起九無間、九解脫道

——如是十八足前十六成三十四。

一切菩薩決定先於無所有處已得離貪方入見道，

不復須斷下地煩惱。

《大毘婆沙論》卷 153（大正 27，780b29-c6）

菩薩三十四心斷結成道

云何名為「三十四心剎那」？

謂菩薩先離無所有處染，後依第四靜慮入正性離生，

於見道中有十五心剎那，道類智時為第十六，則此名斷有頂加行；

離非想非非想處染，復有九無間道、九解脫道。

是名「三十四心剎那」。菩薩依此證無上覺。